



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.59. Papæ Epistola adversus Longobardus.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

rant, Ravennam misit, qui Ravennates ad faniora impulerunt, eo eventu, ut Michaellem invaderent, & Episcopatu probe dejectum, vinculisque Onustum Romam transmitterent. Econtra Leo Archidiaconus canonice electus ab Episcopis Clericisque Ravennatibus Romam deducitur, & a Pontifice consecratur.

Sæcul. VIII.
A. C. 769.

§. LIX.

Papæ Epistola adversus Longobardos.

Inter hæc, cum ad Papam delatum fuisset, Bertham Reginam unius ex Franciæ Regibus, filiis suis, & Ermengardis Regis Desiderii filiæ nuptias, item eorum sororis Gisellæ & filii ejusdem Regis conciliare velle, datis ad Reges Franciæ

Litteris ab eo proposito ipsos abstrahere conatur. Dicit, id consilii ipsis tanquam rem periculosissimam a Dæmone fuisse suggestum. Tum Longobardos exhibet tanquam Gentem temnendam, perfidam, foetentem, ex qua non nisi leprosi orirentur, & denique indignam, cujus sanguis cum illustrissima Francorum Natione & nobilissima stirpe Regia per conjugia misceretur. Subjungit:

Cod. Carol.
ep. 45.

Ligati estis Dei voluntate & Parentis vestri mandato cum legitimis uxoribus de Gente vestra, quas amare tenemini, & quas dimittere non licet, ut ducatis alias. Meminisse vos oportet, Regem Parentem vestrum

Sæcul. VIII.
A. C. 769. *vestrum nomine filiorum promississe, constantem futuram esse fidem vestram in Sanctam Ecclesiam, in Pontifices vero obedientiam & amicitiam fore perpetuam, vosque eadem promissa in Epistolis vestris confirmasse.* Eos deinde obtestatur in nomine S. Petri, per Dei Judicium, & quidquid sacrum sanctumque, ne hæc conjugia ineant, sed Longobardos repellant, cogantque jura S. Petri læsa integre restituere, sub Anathematis & æternæ damnationis pœna. Ut has exhortationes magis solemnes redderet, Papa missurus Epistolam, eandem prius, dum S. Sacrificium celebrat, in Confessione S. Petri deposuit, atque in hoc sancto loco deferendam tradidit.

Mon. S.
Gall. lib. II.
c. 26.

Nihilominus Rex Carolus Desiderii Regis Longobardorum filiam duxit, quam vero post unius anni spatium ex Sanctissimorum Episcoporum consilio, cum morbi eam continuo affixam lecto tenerent, essetque procreandæ proli impar, repudiavit. Posteriore tempore duxit Carolus Hildegardem primis stirpibus Suevorum natam, ex qua plures suscepit liberos.

§. LX.

Desiderius Christophoro & Sergio perniciem affert.

Anast. Cum Christophorus filiusque ejus *Sergius*